

42852.

MELETEMATA  
DE EO, QVOD PVBLICE PER MAGISTRATVS  
FIERI DEBET, SINGVLIS NON FACILE  
CONCEDENDO

VT ET DE  
D V E L L I S  
IN SPECIE

QVAE

PRAESIDE

WILHELM. BERNHARD. JESTER,  
J. V. D. ET P. O. II.

AVG. BORVSS. REG. A CONSILIIS CRIMINALIBVS, ALVMNORVM  
GROEBENIANORVM EPHORO, HONORARIO REG. TEVT.

SOCIET. MEMBRO. H. S. ACAD. RECTORE

HOR. X. MAT. D. XXVIII. MAII A. R. S. MDCCCLXXIII.

PVBLICE DEFENDENDA SVSCIPIET

WILH. ALB. DE MASSENBACH, Eq. Boruss.

OPPONENTIVM SPARTAM ORNATVRI SVNT

AHASVERVS DE BRANDT, Eq. Boruss.

IOH. CHRIST. MÜLLNER, Neuhoff ad Memel Boruss.

IVR. VTR. CVLTOR.

REGIOMONTI,

TYPIS SACR. REG. MAIEST. ET UNIVERS. TYPOGRAPH. G. L. HARTVNGH.



**MAECENATIBVS  
INDVLGENTISSIMIS**

ILLVSTRISSIMO GENEROSISSIMO  
ATQVE EXCELLENTISSIMO DOMINO  
DOMINO  
IACOBO FRIDERICO  
DE RHOD  
S. R. M. IN PRVSSIA  
ADMINISTRO STATVS ET BELLI INTIMO  
SVMMI APPELLATIONVM JVDICII PRAESIDI EMINENTISSIMO  
SVPREMO REGNI BVRGGRAVIO  
RERVM ACADEMICARVM NEC NON COLLEGII STIPENDIORVM  
DIRECTORI GRATIOSISSIMO  
HEREDITARIO DOMINO TERRARVM SCHROMBEHNEN,

Klein Laut v.

ILLVSTRISSIMO, GENEROSISSIMO  
ATQVE EXCELLENTISSIMO DOMINO  
DOMINO  
FRIDERICO ALEXANDRO  
DE KORFF  
S. R. M. IN PRVSSIA  
STATVS ET BELLI ADMINISTRO INTIMO  
REGNI PRVSSICI CANCELLARIO  
JVDICII AVLICI PRAESIDI EMINENTISSIMO  
RERVM FEVDALIVM ET MONTIS PIETATIS DIRECTORI  
AC CAPITI SVPREMO.  
HEREDITARIO DOMINO TERRARVM BLEDAV, KORBEN,  
MOLEHNEN, WEDDERAV, RIBBEN, &c.

REVERENDISSIMO, ILLVSTRISSIMO,  
GENERALISSIMO, EXCELENTISSIMO DOMINO  
ATQVE  
EXCELENTISSIMO DOMINO  
DOMINO  
**FRIDERICO GODOFREDO**  
**DE GROEBEN**  
S. R. M. IN PRUSSIA  
STATVS BELLIQUE ADMINISTRO INTIMO  
SUPREMO PRUSSIAE MARESCHALLO  
CONSISTORII PRAESIDI EMINENTISSIMO  
ORDINIS IOHANNITICI EQVITI  
HEREDITARIO DOMINO TERRARVM WESLIENEN, SCHOENRADE,  
ROEDERSDORFF &c.

REVERENDISSIMO, ILLVSTRISSIMO,  
GENERALISSIMO, EXCELENTISSIMO DOMINO  
ATQVE  
EXCELENTISSIMO DOMINO  
DOMINO  
**LEOPOLDO**  
**S. R. IMP. COMITI DE SCHLIEBEN**  
S. R. M. IN PRUSSIA  
ADMINISTRO STATVS ET BELLI INTIMO  
COLLEGII PVILLORVM CVRAM GERENTIS PRAESIDI  
EMINENTISSIMO  
RERVM SCHOLASTICARVM DIRECTORI AC CAPITI SUPREMO  
ORDINIS IOHANNITICI EQVITI.  
HEREDITARIO DOMINO TERRARVM ALT-HAVS, GERDAVEN,  
SANDITTEN, &c.

PRVSSIAE PAPINIANIS  
IVSTITIAE STATORIBVS  
MVSARVM PATRONIS  
LEVIDENSES HASCE PLAGVLAS  
IN SVBMISSAE

VENERATIONIS DOCUMENTVM  
CVM VOTO PERPETVAE INCOLVMITATIS

D. D. D.

QVOTDIE ET ZYLVATZ CANTUIMCA

THEATRUM MUSICALIS LIBERI ET LIBELLUS

GRANDE DA FESTA DIVAGITATIONES MUSICALES

HVIIS DISSERTATIONIS

RESPONDENS

WILH. ALBERTVS DE MASSENBACH.



§. I.

**N**on solum legibus armatam esse oportet rempublicam, vt vita hominum a ferarum immanitate differat, sed & Magistratis opus est, qui, vt legibus suis constet honos, sapientissimo fidelissimoque operantur ministerio. l. 2. §. 13. D. d. O. f. Desperanda sane esset conditio hominum, si omne salutis expedienda medium in vi positum esset, remoto judge, vero iustitiae sacerdote, iniquitatis vindice. Haud raro enim homo homini est inimicus, alter alterius commodis inhiat, alterius iuribus detrahere studet. Accedit larga litium seges, quam parat praeiudiciorum vis & efficacia. Alter obnubilata mente iura sibi fingeret imaginaria, armata manu contra quoscunque vindicanda; alter laesionibus putatiis irritatus ad vindictam procederet; & sic uterque hostis fieret, hostiliter excipiens. Deinde in defensione haud pauci, in persequendo eo, quod re vera debetur, in vindicandis veris iniuriis modum excederent. Adfectus enim, concitationes mentis vehementiores, facillimo pertinacius contendentes negotio in iram agunt atque furorem. In hac rerum perturbatione vero non possent non omnia hominum iura perire vel saltē periclitari. Incerto enim marte certamina ineuntur, & haud raro vicit discedit non iure sed viribus potior. His incommode obviā iri nequit, nisi iudiciorum vigor iurisque publici tutela, propriæ priuatorum hominum vltioni inimica, in medio constituatur, l. 14. C. d. Judaeis; nisi Magistratus ad sint, qui post plenariam causae cognitio-

A

cognitionem cum effectu statuunt, vt suum cuique tribuatur, & malis hominibus provincia purgetur. Hinc in rebus publicis bene ordinatis secundum l. vn. C. ne quis in sua causa iudicet, in re propria iniquum admodum est, alicui licentiam tribuere sententiae; & singulis haud concedendum est, quod per magistratum publice fieri potest, ne occasio fiat maioris tumultus faciendi l. 176. D. de R. J.

§. 2.

Aliquando tamen singulis conceditur, quod non nisi publice per illos fieri deberet, qui iuri dicundo praesunt. Ut nostram evincamus thesin, neutquam prouocamus ad l. 2. C. quando liceat unicus sine iudice se vindicare vel publicam deuotionem. Quamvis enim ius exercendae publicae vltionis, aduersus illos, qui publicam deuotionem i. e. fidem reipublicae sacramento datam laedunt, desertaque militia violant, (PEREZ. ad l. all.) cunctis concedatur, vix tamen promiscua exinde occidendi desertores licentia colligi potest, sed secundum legis all. tenorem, resistendi audaciae tantummodo velox cohaeret supplicium, & secundum l. 2. C. de Desertoribus & occultatoribus eorum (12. 46.) desertores si resistant, vt rebelles in ipsis temeritatis suae conatus opprimi possunt. Patria vero nostra olim, vt ne delinquentis fuga magistratum auctoritas fieret elusoria, gladium vltorem, repugnante tamen, vt conjecturamus, Themide, cui libet priuato comitebat, vt promiscuae omnium vindictae obnoxii essent fugitiui, qui nefando quodam ausu hanc sibi conciliauerant severitatem. Vt status enim erat antehac processus banni, Pr. LX. d. a. 1721. P. III. L. VI. T. I. A X §. 3. cui sequentem accommodauerat usus fori formulam sententiae:

Dass du M. und du N. aus dem Frieden in den Unfrieden gesetzet, und euer Ehr, Leib und Gruh anruechtig, recht und friedlos verurtheilet, auch euer Leib und Leben wie eines Vogels in der Lufte jedermann gemein, frey und erlaubt sey, euch beyde ohne alle Strafe und Entgeltung aller Orten, wo ihr in dem Königreich Preussen anzutreffen, zu entleiben und vom Leben zum Tode zu bringen, oder der Obrigkeit einzuliefern. Welches hiemit manchiglichen erlaubt und eröffnet seyn soll.

GEORGII GRVBE COMP. J. PRVT. ad L. VI. T. I.  
d. IX. insigne

Express

Expressio sane est haec formula sententiae in bannum declaratoria, ac schema illud quod exhibet C. C. Bamb. A. 241 & C. C. Brandenb. A. 245. Pluribus gentibus communis olim erat proscriptio fugitiorum ob delicta atrociora, in thesi capitalia; & vetustas eius in Germania faciliter posset demonstrari negotio, si huius loci esset, argumento & scopo nostro remotiori inhaerere. Hoc tamen addendum est, non ubique eandem processui bannitorio vindicari posse formam tremendam atque funestam. Quid? quod Serenissimus Noster principiis mortis humanioris iurisprudentiae, quae factam absentis confessionem reprobat, huic processui non nisi in crimen laesae Majestatis locum concedit,

INSTRVCT. vor die Preussische Justiz - Collegia. d. d. Berlin den 16. Septemhr. 1751. p. 38, §. 14. in dem alten Pr. LVI. soll auf die Acht und Mordacht erkannt werden. Weil Wir aber wegen des dabey zu befürchtenden Missbrauchs diese Macht und Gewalt aufzuhören nothig finden: so soll außer dem Crimine laesae Majestatis nicht weiter darauf erkannt werden.

§. 3.

Haud raro etiam iusto dolori, quem temperare imbecillitas humana prohibet, indulgent leges ad eum modum, vt non solum excusati illos peccare statuant, qui in calore iracundiae ad vindictam confugiunt priuatam, sed & impunitatem iisdem spondeant. Sic non solum maritus impune, si in lasciuis coniugis amplexibus adulterum deprehendit, thori vindex fit; non solum pater adulterae, iniuriam vlcisci potest, trucidando vel criminis vtrumque vel alterutrum socium, sed & doloris ratio cumulatissime vxori, contra maritum fidei coniugalis violatorem armatae, suffragatur.

C. C. C. A. 120. cum additamento PROIECTI NORICI quod exhibet JO. PAVL. KRESS in Com. ad C. C. C.

C. C. C. A. 150. & JO. SAMVEL. FRIED. de BOEHMER in suo Meditat. ad C. C. C.

Bambergische H. G. O. A. 145. & 175.

Brandenb. V. G. O. d. ao. 1582. A. 147. & 177.

de BOEHMER ad. CARPZ. Pr. R. Crim. P. II. Q. 52. Obs. I.

Prstl. L. X. P. III. L. VI. T. VI. A. 12. §. 7.

Secundum Ius Romanum diuersorum temporum diuersa fuit ratio. Si in rem ad Legis Iuliae de Adulteriis placita inquiramus, libido in alienas

A 2

alienas vxores & atrox per eandem thalamis familiisque illata iniuria, priuata quidem vindicari poterat manu, sed tot tantaeque gladio vltori obiiciebantur difficultates, vt vix dolori, quae debetur, continget excusatio. Patri adulterae, non auo, vindictam priuatam exercere licet. Patri subministrabat arma, vel patria potestas, vel auctoritas quam vi patriae potestatis conventioni filiae in manum mariti accommodauerat. Et sic haud raro respectus ad dolorem patris cessabat, nunquam vero dolori aui parata erat excusatio & venia, si ad internicionem vsque adulteri procederet. Deinde pater testis iniuriae sibi illatae supponebatur. Solent quidem nefandi hujus criminis rei latebras querere, & excubitores voluptatumque administratos habere quam fidelissimos; & sic infrequens vindictae huius fuisse videtur occasio. Sed quum ad excusandam eandem non solum acutus doloris sensus, sed & impetus, cui temperari nequit, requiratur, omni adprobatione digna fuisset dispositio haecce legalis, nisi impunitas loco, vbi pater sibi vltionem indulgebat, ad eum adstricta fuisset modum, vt insuper habito dolore paterno, omnis ab habitatione laesi recessus, moecho in ipso flagitii actu, contra repentinum vindictae paternae furorem asylum constitueret, non nisi grauissimis sub poenis violandum. Interdicta denique patri erat omnis contra adulterum vltio, si de sanguine suo indulgentius iudicans filiae parcendum esse censeret. Vnico quasi actu continuato & vno velut ictu adulteri vna cum filia erat occidendus. Hinc singularis in l. 32. D. ad L. Jul. de Adult. quaestio de filia, fato magis quam patris voluntate seruata. En caput legis potissimum ad manum patris exarmandam directum. Plerumque enim pietas paterni nominis consilium pro liberis capit, & verecunda sane est cogitatio patris, quae caedem filiae execratur.

Quoad maritum eadem Lex Iulia permittit, vt vindex sit tumultiae per adulterum sibi illatae, siue sit pater familias siue filius familias, modo gladium stringat non contra vxorem, (quam tamecir olim non solum ob adulterium, sed & ob vni delibationem, quia temulentia primus ad impudicitiam gradus est, necare poterat:) sed contra adulterum, & contra hunc nec indistincte, nec vbiique, sed si vilior eiusdem conditio nouas flagitio conciliat accessiones, & si locus pestimae cuculi fabulae, quam moechus ludit, ipsum sit domicilium mariti. Requiritur praeter ea, vt fata maritum tristem huius spectaculi constituant testem.

MOSAIC. ET. ROMAN. LL. COLL. T. IV. 2. 3; LL. 16. 20. 21.  
22. 23. D. ad L. Jul. de adult. l. 1. D. ad L. Corn. de Sicariis. BY-

BYNCKERSHOECK de. iure occidendi liberos. HOFFMANN.  
ad L. Jul. de Adult. coerc. Lib. sing. VOETIVS ad ff. L. 48.  
T. 5. §. 12.

Omnis hae maritum respicientes sanctiones tantum abest, vt testatum reddant, iusto & vehementissimo eiusdem dolori, eam, quae debetur exhiberi indulgentiam, vt potius arctissimis circumscribatur vindictae impetus limitibus. Nam secundum l. 22. §. 4. ff. ad L. Jul. de adulteriis, mariti calor & impetus facile decernentis fuit refranendus. Et sane, si tota de occidendo adultero perpendatur L. Iuliae sanctio, dubium est, vtrum patriae & maritalis potestatis exhibeat reliquias, an adfectuum violentiae velificari velit. Quae quum ita sint, zelotypiae praeterius fasque indulgere videtur NOVELLA. 117. c. 15. quae non solum permittit, vt maritus insidiis, quas castitati vxoris strui suspicatur, per triplicem denunciationem obicem ponat, sed & continuatam contra prohibitionem cum vxore conueriationem, in sua, vel vxoris, vel adulteri domo, vel in suburbanis, vel in popina, ferali vindicet manu.

§. 4.

Deinde in omni casu, vbi momentanea iudicis copia cessat, & a momentanea defensione, omnis expedienda salutis ratio pendet, exceptionem a regula obtinere, extra omnem dubitationis aleam positum est. Status tunc hominum reuiuiscit naturalis atque primaevus, vbi contra laesiones, quae non nisi momento declinari possunt, natura cuique suam ipsius tutelam commendat, atque in infinitum ius tribuit defensionis. Adsum quidem leges, fora, iudices; sed expectari nequeunt. Imminet malum, quod declinari debet, reparari nequit; quod praesentissimum requirit auxilium, omne respuit ex post adhibendum remedium. Vocatur eiusmodi suam aliorumque securitatem, tuendi medium extemporaneum, nulla iudicis auctoritate suffultum, cui periculum in mora occasionem suppeditat, in primis si ad internacionem vsque aduersarii extendatur, tutela inculpata, & ob limites quibus circumscribitur, moderamen inculpatae tutelae. In Germania quidem homicidio necessario, compositionis & faidae obligationem cohaesisse testatur HEINECCIVS f. Germ. II. §. 264., sed tantum abest vt poenam respiciat, quam ne Canones quidem per poenitentiam ecclasticaam, homicidae imperatam, intendisse videntur,

vt

A 3

ut potius offensae familiae fauorem concernat. Requirebatur praeter ea publicum testimonium & luculentissimum documentum honoris sanguini humano debiti, id quod apud plures gentes & in homicidio casuali solemne fuisse ex elegantissima EV. OTTONIS p̄afatione ad T. III. THESAVRI OTTONIANI, §. 4. in fin. edocemur. Apud Graecos exilio voluntario fortuiti casus iuebantur l. 16. §. 8. ff. d̄ Poenis, Numa pro capi⁹ occisi in Comitio arietem offerre iubebat.

### §. 5.

Quoad modum in hac sui defensione seruandum varia esse potest inspectio. Sed in plurimis casibus simplicissima ipsa recta ratio & quae cum eadem amice conspirant LL. diuinæ & humanae suppeditare videntur principia, ad quae tacillimo negotio omnis haec exigi & expediri potest controuersia. Haec in primis adhibenda est cautio, vt a defensione sollicite separare studeamus vindictam, longissime ab eadem remotam atque sejunctam. Declinare licet periculum, damnum & contraria parte, si re vera iam datum sit, ylcisci & vindicare, nefas est & statui, de quo loquimur, civili, parum conueniens. Intacta seruare licet iura atque illibata, si scilicet iudex desit, tempestive que haberi nequeat, post vulneratam vero cauillam non nisi remedia iudicialia quaerenda sunt. Omnes tamen LL. sicuti cum imbecillitatis humanae sensu ferri, sic & adplicari debent. Hinc etiamsi statui defensionis innoxiae particula quaedam vindictæ se iungat atque immisceat, non tamen omnia ad viuum resecanda sunt, sed facilis parata est excusatio inuaso, terminos defensionis, quos ob mentis perturbationem exacte seruare non potuit, paululum transflenti.

BOEHMER ad CARPZOV. P. R. C. P. I. Q. 30. Obs. II.

### §. 6.

Requisita, quae inculpatam fundant tutelam ad tria reduci possunt momenta.

I.) Adsit offensio, quae absolvitur quoconque facto, quod inuaso repentinum & improuisum minatur periculum, etiamsi nulla mentis libertas, ex parte eius, qui impetum facit concurrat, modo ad inuolum inferendum nullum ius, ad eundem recipiendum nulla concipi queat obligatio, siue armis lethiferis instructus sit aduersarius, siue furibunda eiusdem ferocitas & robur, illorum ysum suppleat. Jus Prutenicum L. VI, T. VI, A. 15. §. 6. necem aggressio-

gressoris armis destituti ad excessum inculpatae tutelae quidem refert, iudicem tamen attendere iubet ad qualitatem personarum & circumstantiarum.

- II.) Adsit p̄aesens grauissimum periculum laesionis, quae si se mel illata, omnem, saltē plenariam damnī resarcitionem auxilio iudicis quaerendam respuit.
- III.) Eligatur medium defensionis, fini obtinendo accommodatum, licet durissimum sit, & aggressori funestum patet exitium, modo alia commodior honestaque expediendas salutis ratio desit.

### §. 7.

Si ad primum respiciamus requisitum, praetextus defensionis esset, non species inculpatae tutelae, si quis ad extrema prouolaret, ob periculum vitae praesentissimum quidem, sed quod negotium, dubiae & anicipitis sortis, ex condicō susceptum, comitatur. Hinc in Duellis ne prouocatis quidem opitulatur exceptio defensionis. Alia enim in promptu sunt remedia, quae prouocato plenissimam illamque honestissimam spondent securitatem. Eadem est inspectio, si quis alterum ad animi excaandescentiam, & quae eiusdem comes est, vindictæ cupidinem iniuriis laceſſuerit, quas gratis excipere stupor sensus esset, & vt ita dicamus, indolentia. Ut enim contra huius insultum se defendat, & ex moderamine inculpatae tutelæ, spem impunitatis concipiatur auctor rixæ, vetat natura rei, vetat expressis verbis Jus Prutenicum, L. all. A. 15. §. 2. Offensionem fate pro se allegare nequit, qui omni studio id egit vt offenderetur. Cautus tamen sit iudex in ponderandis omnibus facti circumstantiis. Quid enim, si quis fatali in verbena caedesque degeneranti rixæ occasionem quidem dederit, sed remotissimam, illamque ne conjecturando quidem praeuisam? Nonne saepissime leue iurgium, sola alterius ambitione increscens, aut innocens reuera iocus sufficit ad excitandum hominum furorem? Auctori leuioris eiusmodi iurgii contra turbulenti ingenii praeccipitationem omnia defensionis beneficia integra manent atque salua.

LEYSERI M. ad D. Sp. DC. M. 19.

### §. 8.

Quoad inuasorem perinde est, vtrum nefario ausu, an culpa, an solo facto physico, quale in turioso concipi potest, iti alterum irruat, zundemque periculo exponat. Non enim inuasus fit vindex iniuriae sibi

sibi illatae, sed salutis suae custos & propugnator contra quoscunque casus aduersos eidemque inimicos, quatenus eosdem declinare vires permittunt, leges non prohibit. Multo minus alium admittere possumus respectum personarum, si in terminis iniustiae atque iuvalis noxiae offensionis versentur. Lubenter tamen concedimus, non necessitatem defensionis esse sed potestatem arg. l. 40. D. de Judic. Hinc laudabilius aliquando est, mortem pati, quam inferre aduersario, cuius vita forsan nobis est sacrosancta, vel societi insignia spondet emolumenta.

9.

Secundum, quod in moderamine inculpatae tutelae supponitur requisitum, varias admittit inspectiones. De periculo vitae nemini dubium esse potest, quin licita eius sit propulsatio, etiamsi cum nece aduersarii coniuncta. Quid? quod ne primum quidem ictum, qui forsitan decretorius esse, & ius defensionis elusorium reddere potest, expectare tenetur inuasus, modo ea sit aggressoris conditio, ut probabiliter dira quaevis ab eodem immineant. Contra Thrasones vero insurgere & quascunque minas pro praetorio grauioris periculi habere, dictaminis aduersatur rectae rationis.

Pr. L.R. l. c. A. 14. §. 2. A. 15. §. 4.

Idem defensionis fauor est, si membrorum integritas periclitetur. Nescimus, quid, quale & quantum intendat inuasor. Vulnera praemeditatam respuant mensuram & vix periculum vitae, saltem remotum, abest a furibundo temerarii hominis in membra nostra impetu. Quoad pudicitiam, non quidem negamus, eandem vix eripi posse, si animus vere sit insensus. Nihilominus tamen & contra vagam libidinem inculpatae tutelae iura defendunt magni nominis JCTi. Virginis imminet virginitatis ruina irreparabilis, nubendi honestae conditioni haud raro inimica. Nuptam vexant vestigia viri alieni in thoro, zelotypiae mariti somitem subministratura. Vidua timet, vim sibi illatam manibus defuncti futuram esse dedecori. Quorum malorum representatio, quem doloris sensum excitare queat, abunde docent Lucretia nou in aduersarii, sed propria, contra ius fasque, sacuens viscera, & Virginius, filiae pectus transfigens, ut eandem a libidine Appii Claudii liberatam in libertatem vindicet. Accedit periculum mortis quam forsitan violatam meditatur moechus, ut ne fisco scelus denuncietur. Secundum Ius Prutenicum de plenaria desperandum esse censimus

semus impunitate. Facillimo tamen negotio a Serenissimi oraculo  
impertrandum foret, quod religio iudicis concedere nequit.

Bonorum porro defensionem, cum internecione eius suscipere, qui iisdem insidiatur, exorbitans quidem esse videtur & humanitati contrarium. Vita hominis enim nullo aere redimenda vix cum cadiuis & fragilibus comparari potest bonis. Sed iure optimo maximo & hanc expedienda salutis rationem in regula ab omni reatu absolutam esse censimus, modo, quae reuiuiscentis status primaeui indoles est, remoto vindictae studio, defensionem rerum nostrarum violentam non suscipiamus, nisi quatenus momentaneo eiusdem negligui, irreparabilis damni metus cohaereat, quem nunquam in immobilibus, aliquando vero in mobilibus obtinere arbitramur, si forsitan fur excitato clamore a contrectatione cohiberi nequeat, & ob fugam hominis ignoti spes, implorato iudicis auxilio, bona recuperandi cesseret. Nunquam exercitio iurium nostrorum, in primis si culpa aduersarii extorqueatur, iniuriae iuncta est labes. Calculum huic intentiae adiicit Lex diuina Exod. 22. v.2. Quae sit Legum Romanarum dispositio docet

OTTO ad PVFFENDORFF. d. O. H & C. Libr. I. Cap. V. §. 21.  
& in praef. ad T. III. TH. O. §. 10.

Consentit Ius canonicum c. 2. & 10. X. de Homicidio. Adstipulatur denique Carolus V. in NEMESI. A. 150. Diuortium tamen facit Ius Prutenicum LXX. P. III. L. VI. T. VI. A. 14. §. 8. secundum quod Ius defensionis arctioribus limitibus circumscribitur, ad eum modum, ut ob honorum defensionem occidere nequit licet aggressorem.

Vltimum quod moueri potest dubium, versatur circa honoris defensionem violentam. Secundum C. C. C. sanctionem permittitur, vt, si per commodum discessum periculum vitae quidem declinari queat, dedecoris ratio vero eidem iuncta sit, inuasus gradum sistat, & aduersarium transfodiat. In tali vero casu inuasus ad extrema prouolat, non ob vitae discrimen, cui leuiori modo consulere potuisse, sed ob existimationis detrimentum, a quo non nisi sanguinolenta sibi cauere potest manu. Sic causa tantummodo remota lictae & violentae defensionis in vitae, proxima in existimationis periculo nititur. Quae cum ita sint, omnino illi indulgendum esse videntur, quem solitaria amoliendi dedecoris ratio prohibet, quo minus parcat vitae aduersarii. Forsan haec Legis Carolinae particula iuris

manuarii reliquiis originem debet. Sed durant adhuc saecula praeceptarum opinionum foecunda, quae, si non omnibus, tamen hominibus ad arma natis, durissima minantur, si iniurias fuga vitant, aut excipiunt, spe freti, quod iudices adsint easdem strenue vlturi. Dolemus vices illorum, quos nolentes ad eum fata trahunt modum, ut defensionem ineluctabilis imperet necessitas. Sed inculpatae tutela terminos eisdem neutquam transire putamus, ob singularem vitae, in qua vivunt, conditionem. Si enim iniurii incommoda cohaereant, reparari nescia, quae potest esse contra easdem iniusta defensio. Absit tantummodo vindictae studium, ob iniurias reuera iam percessas.

## §. 10.

Plures enumerari possent exceptiones a regula, quae prohibet, quo minus singulis concedatur, quod publice per Magistratus fieri oportet; sed facilis est illarum ad triplicem, quam dedimus, inspectiōnem, reducō, Sufficiunt praeter ea casus, quos allegauimus, ad stabiliendam magisque confirmandam regulam in casibus hanc exceptis, in quibus seuerissimas poenas dat temerarius omnis in propria causa index incompetens. L. 13. D. quod mens causa exhibet nobis fragmentum ex CALLISTRATI Libro V. Cognitionum, quod egregie ad nostra asserta corroboranda conductit: Extat Decretum DIVI MARCI in haec verba:

"Optimum est, vt si quas putas te habere petitiones, actionibus experiaris. Cum Marciānus diceret, vim nullam feci,  
"Caesar dixit, tu vim putas esse solum, si homines vulnerentur,  
"Vis est & tunc, quoties quis id quod deberi sibi putat, non per  
"judicem reposit. Quisquis igitur probatus mihi fuerit, rem ullam  
"debitoris, vel pecuniam debitam, non ab ipso sibi sponte datam,  
"sine viro iudice temere possidere vel accepisse, isque sibi ius in  
"eam rem dixisse, ius crediti non habebit.

Conf. etiam l. 7. D. ad L. Jul. de vi prima vbi idem rescriptum iisdem verbis exhibetur.

WESTENBERGII Div. Marcus s. Diff. ad Const. D. Marci Aurelii Antonini Imperatoris 39. in Westenberg. O. O. curante Jungio editis T. III. p. 321. SCHAVMBVRG ad Struvium p. 310. Pr. LXI. p. A. 1721. L. III. T. 5. A. 3. §. 7.

## §. 11.

## §. 11.

Quae quim ita sint, Duella non possunt non reprobari. Est vero Duellum certamen duorum ex cotidicto & serio armis suscep̄tum. Hinc differt a certamine ex instanti subitoque, utriusque tamen consensu, orto (Rencontre) Illud nil excusationis habet, hinc fere ubique seuerissimis sub poenis prohibetur. Quoad certamen e contra subitanum, ira, brevis furor est, & hominum affectibus, qui in calore rixae atque iracundiae moderamen vix admittunt, indulgendum. Duellum haud raro pari significationis passu ambulat cum bello; sic secundum LIVIVM L. I. C. 32. Romani puro pioque duello res querendas esse censebant, quas faciales frustra solemini interveniente formula ritique ab hostibus repetuisse constabat. Huc etiam pertinet illud HORATII.

Fabula, qua Paridis propter narratur amorem  
Graecia Barbarae lento collisa Duello  
stulorum regum & populorum continxet aestus  
L. I. Ep. 2. v. 6. 8.

\* Quoniam bellum aequum ac Duellum mutua absoluatur hostilitate, Duellum, si placet, pro specie belli haberi potest. Nobis magis arridet arctior belli quam CORNEL. v. BYNCKERSHOECK in Q. J. P. l. 1. suppeditat figura, secundum quam bellum non nisi illis, qui suae potestatis sunt, i.e. liberis gentibus & hominibus in statu naturali viventibus conuenit.

\*\* Duellum quod aliis certamen singulare audit, diuidi solet in  
I.) IMPROVISVM s. extemporaneum  
II.) PROVISVM. s. praemeditatum.

I.) PVBLICVM quod reip. ergo suscipitur.

A.) DECRETORIVM, cuius bellissimam speciem nobis sifist Horatiorum & Curiatorum tricenniorum fractum certamen, de quo LIVIVS L. I. C. 24. & 25., nec ferme res antiqua alia est nobilior — Adebat in eiusmodi easu bellum compendiarium, s. representativum, ex quo maxima omnino in rem publicam redundari possunt commoda; sine magna clade enim, sine multo sanguine res inter gentes controversa transigitur.

B. 2

B.) PRO-

B.) PROLVSORIVM.

a.) REALE. Secundum LIVIVM L. 23. c. 46. CERRINVS JVBLIUS cognomine TAVREA, Campanorum fortissimus eques, CLAVDIVM ASELLVM apud Romanos militarem provocabat in arenam, ad decernendum ferro, daret opima spolia vietus, an victor caperet. Aliam certaminis, quod non nisi virtutis demonstrandae ergo suscipitur, speciem exhibit Livius L. 7. C. 10. vbi in depingendo certamine TITI MANLII IVNIORIS cum GALLO elaborat. Dimicabatur inter utrumque, ut constaret, utra gens bello melior sit.

b.) AVGVRALE de quo TACITVS d. M. G. C. 10 "Est & alia obseruatio auspiciorum, qua grauium bellorum euentus exploratur. Eius Gentis, cum qua bellum est, captiuum quoquo modo interceptum, cum electo populariu[m] suorum, patriis quemque armis committunt. Victoria huius vel illius pro praeiudicio accipitur", Quod auspicii genus sapientis yiri commentum ILL. GEBAVERVS vocare haud dubitat, & rationes, quibus suam superstruxit thesin nullam admittunt contradictionem. cf. GEBAVERI *Vestigia f. G. antiquissima, in C. Corn. Tacitii Germania, obvia. Diss. 22. in fin.*

II.) PRIVATUM

a.) IUDICIALE cf. IO. CHRIST. BECKMANN D. *Historic politica de Judiciis Dei*; D. I. C. H. DREYERS *Anmerkungen von den ehemaligen Duel-Gesetzen, und von einem seltenen und unbekannten Codice, worinnen des Talbōfers Ramp-Rechte befindlich.*

R. S. v. SAHME *kleine deutsche Schriften IX. St. von ganz außerordentl. Beweisstümern in Rechts-sachen.*

SELCHOW *de Reliquiis Juris Manuaris* §. 7.

b.) EXTRAJUDICIALE, quod absque auctoritate Iudicis suscipitur a dissidentibus in causa priuata.

Sed in hac divisione latior nostra Duelli idea supponitur. Est sc. Duellum secundum THOMASIVM in *Obs. select. ad rem litterar. spectant. I. X. Obs. IV.* pugna seria, a pari utrinque numero personis boni alicu-

aliius gratia suscepta. Nostra, quam suppeditauimus, definitio, nostro scopo conueniens, non nisi in Duellum populatissime sumtum, quadrat.

§. 12.

Ad euincendam Duellorum irrationalitatem, vbi homines, tanquam gladiatores ad arenam damnati, subitis odii armisque ad ultima discrimina committuntur, sufficient paucissima, quae sequuntur argumenta. In republica bene ordinata remedia in promptu sunt, quibus non solum laesionis reparatio quatenus possibilis est, obtineri potest, sed & interueniente poena, efficitur, ut & laedens & alii cautius mercari discant. Sic Duella absque necessitate suscipiuntur,

§. 13.

Duella ut plurimum suscipiuntur, antequam constet, utrum laesio fuerit vera an putativa, utrum dolosa, quae poenam meretur, an culposa. Nam secundum IVVENALEM Sat. XIII. v. 180.

*Est vindicta bonum vita iuscundius ipsa.*

*Nempe hoc indocti, quorum praecordia nullis  
Interdum, aut leuis videas flagrantia causis.*

*Quantulacunque adeo est occasio, sufficit irae.*

§. 14.

Etiamsi vera sit laesio, eius reparatio tamen per Duellum est impossibilis, saltem vix alio modo cogitari posset, ac si inter litigantes conueniret, reparationem fieri debere, si victoria sit penes laesum. In eiusmodi casu vero is, qui de reparanda laesione conqueritur, abunde testatur, eiusdem parum interesse, utrum laesio reperatur nec ne, & expeditius esset, reparationem laesiones a quocunque alio euentu minus periculo suspendere. Accedit, quod absurdum esse videatur, reparationi laesiones iam illatae renunciare, sub conditione si noua interatur laesio. Conspirat nobiscum. BARCLAIJ *Icon. Animor. C. III. 72.*

*"Quae dementia! ritu ferarum non ratione sed impetu iniurias ulceristi,  
rerumque suarum iudicium permittere pacem scenicae arti, fortunaeque  
saepē fallenti ipsam artem.*

§. 15.

Sunt Duella secundum opinionem vulgi medium honoris reparatorium, cuius neglectui existimationis detrimentum imminet. Alter

minus honorifice de nobis sentit, idque verbis vel factis quae in nostrum contemnum tendunt, demonstrat. Adeo Duelli causa iustifica. Nam inualuit per totam fere Europam mos vindictam in eiusmodi casu propriam per Duella persequendi, de eius rei origine consulenda IANI A. W. SLICHER D. Juridice debita & legitima vindicatione existimationis, eius recensum exhibent, ACTA ERUDITOR. publ. A. 1718.

Cf. etiam HEVMANNS Geist der deutschen Gesetze. Cap. 13. §. 5. Cap. 20. 6. I. H. CHRIST. DE SELCHOW de reliquiis Juris Manuarii §. 20.

Facillime vero demonstrari potest, ab omni ratione alienari esse, hanc amoliendi iniurias viam. Non ad exempla prouocamus Romanorum, aliarumque nationum politiorum, qui dimications priuatorum honoris vindicandi causa ignorasse merito laudantur (\*) Genio recentioris aevi enim facile forderent exempla antiquitatis, & quis ignorat, non eadē omnibus esse honesta atque turpia, sed omnia maiorum institutis iudicari. Sed naturam ducem sequimur. Secundum huius Legēm neutiquam omnis honoris vindicatio dominari potest, quamvis utique verum sit, non nisi delicto minui posse aut consumi hominis existimationem. I. 5. §. 1. de extraord. cognit. Quid enim si iniuriae iniuriam suspectum reddunt de admisso facinore, quod non nisi famam potest fugillare, si suspicio ex neglecta existimationis vindicatione veritatis speciem foeneretur? (Forsan ipse Cato, quia Lentulo sputo conspurcatus ab omni vindicta alienus, illo placide abstuso nō ad iniuriam referebat, nisi verba: afferere possum, falli illum, qui ore te carere dixerit, aliam ingressus fuisset viam, si iniuria, exprobratio criminis iuncta fuisset.) Purgatione omnino opus est, sed absit purgatio vulgaris, quae omnem innocentiae demonstrationem aleae committit, quid? quod per Duellum impossibilis est. Sit enim penes laedentem, sit penes laesum victoria, quo fieri potest modo, ut aduersarius & alii melius de laeso sentiant post duellum, quam ante Duellum.

Hucheson's Sittenlehre der Vernunft 2 B. 15. Abs. §. 6. Quid? quod etiamsi vis amoliendae iniuriae Duello inesset, male tamen apud nos audiret, qui huius rei gratia factum suscipit, quod maiorem conciliat labem, quam fuit illa ipsa, quae per Duellum erat remouenda.

(Grauis morum censor, in libro, quem titulus, Les MOEVR'S ornat, elegantissime scribit, p. 213. "Ces illustres Grecs, ces judicieux Romains, qui furent tour à tour les maîtres de l'univers, se connoissoient assûrement en valeur; se fesoient ils un jeu de meurtre de leurs Compatriotes? L'épée, l'arc, & le bouclier étoient chez eux des instrumens inutiles pendant la paix." Similiter

Similem fere in modum iudicat VOLTAIRIVS in opere, quod inscripsit: Essais sur l' histoire générale &c. Tom. IV. Chap. CLX. "les Turcs sont fiers ils sont braues, & n' ont point l' usage de Duel; c'est une vertu, qui leur est commun avec tous les peuples d' asie, & cette vertu vient de la coutume de ne être armés, que, quand ils vont à la Guerre. C' étoit aussi l'usage des Grecs & des Romains. Et l' usage coûtrai ne s' introduit chez les chretiens, que dans les temps de barbarie & de chevalerie, ou l' on se fit un devoir, & un honneur de marcher à pied avec des épées aux talons, & de se querre à table ou de prier, de Dieu avec une longue épée au Côté."

### S. 16.

Nulla per duellum intendi potest laedentis poena. Poena est malum physicum quod quis non nisi ob malum morale sentit. Nam ponamus victorem esse laesum, laedentem vulneratum, quid? quod occisum. Mala in hoc casu adsunt sat gratia, quae utique laedentia inferuntur. Sed sentit eadem mala, non quia laesit, sed qua viribus altero fuit inferior. Deinde non potest pro poena reputari malum, quod utique litigantium subire eventualiter apud animum constituit, & cuius intuitu, antequam Duellum finitum est, non constet, laesus an laedens certaminis fiat victima. Est utriusque litigantis pars conditio, pars ex utraque parte ipses, pars metus.

### S. 17.

Litigantes vel animum habent, vere sibi inuicem mala inferendi, vel dicis tantummodo caussa ad arma prouolant, ut heroici animi speciem prae se ferant. In casu posteriori, quam deformis sit, cum irrisione audientium imitari militem gloriosum, non opus est, ut multis euincamus. Accedit vero quod & certaminis huius iudicii eventus haud raro praeter spem & opinionem sit tristissimus. Et tunc homo, saeva res, homo, per lusum & iocum occiditur. SENECA. Ep. 95. In casu priori utique habet intentionem indirectam committendi suicidium & intentionem directam vel indirectam homicidium perpetrandi. Non difficile est veritatem huius theseos euincere. Varia possunt esse vnius eiusdemque actionis consecaria; Quae agens in votis habet, seu quae agentem determinant, ut agat, directe intenduntur. Consecaria non quidem votis expedita sed aequae possibilia ac illa, & ut talia praevisa, indirecte intenduntur. Adeo consensus eventualis in eadem, si exitus votis haud respondeat; nisi enim eiusmodi consensus eventualis adesset, actio plane esset omittenda, quae edi nequit, nisi ad

adprobatis omnibus consecatriis, de quorum' possibilitate constat. Iam si ad Duellum respiciamus, vterque litigantium quidem mala alteri inferre quam pati mauult. Sed neutrum fugit, quod aequo possibile sit laesiones accipere ac inferre. Laesiones ex vtraque parte possunt esse lethales. Hinc vterque eventualiter in propriam consentit internectionem, quae si ex Duello, sua sponte a lubente volente suscepto, sequitur, non potest non pro propriae haberi. Non solum vero suicidium ab vtroque indirecte intenditur, sed & homicidium aduersarii & quidem directe si animus adest occidendi, indirecte, si animus adest vulnerandi.

I. 38. §. 5. ff. d. poenis.

ENGELHARD peint. Recht. §. 270.

BARBEYRACK ad J. N. & G. L. 1. C. 7. §. 16. n. 10.

### §. 18.

Duello legi diuinæ contrariantur, & tantum abest ut deploranda sit conditio vtriusque, si exitus Duelli sit mortiferus, vt potius soli intentioni sibi vel aduersario exitum parandi Deum T. O. M. grauiter succensere & irasci oporteat. Non solum vero legi diuinæ contrariantur, sed & in omnibus fere rebus publicis bene ordinatis, severissimæ sanctiones poenales huic vindictæ cupidini obuiam ire student.

I. t. X. de purgat. vulgar.

c. 22. Caus. II. Q. V. ubi agitur de Monomachia ad purgationem.

t. t. X. de clericis pugnantibus in Duello.

### §. 19.

Quae sit Iuris Prutenici Dispositio, sequens docet schematicus conspectus Legis in perpetuum valiturae de Duellis. Pars eiusdem potissima agit de vindicta priuata, in primis de Duellis. Casus quos prouida Legislatoris cura sollicite distinguit, sunt sequentes.

A.) Prouocatio quidem facta est, sed Duellum non sequitur. Et tunc Prouocans simpliciter;

Prouocatus e contra

- 1.) si iudicem de facta prouocatione certiorem reddere negligat;
- 2.) si in Duellum consentiat, etiamsi in loco conuento haud compareat;
- 3.) si ex condicione in loco conuento compareat;

poenas

poenas dant, quae tamen pro diversa vtriusque conditione differunt. Si enim

a.) in dignitate & munere quodam publico sunt constituti, non solum dignitate priuantur, sed & multa obtinet, in pios usus sovunda;

multæ tamen poena carceris in triennium potest surrogari;

b.) Si in dignitate haud sunt constituti,

a bona vero possident,

a.) dimidiam omnium reddituum perdunt, quae aequis partibus fisco & xenodocheo loci, vbi reus domicilium habet, vel piis usibus cedit,

b) triennium poenam carceris iuunt;

b nullis instructi sunt bonis, sexennium ad operas in fortalitione subeundas tenentur.

Si prouocans in arenam prouocare audet illos, quorum submoderamine constitutus est, poena supra constituta duplicatur.

Provocato denique, qui auctor rixæ est, grauorem lex poenam minatur.

B.) Ultra terminos duelli attentati contendentes progredi, & dimicationem ipsam subire atri sunt.

Quoad hanc inspectionem

a.) idem est reatus, etiamsi ex condicione duellum domi conuenit, foras in alieno territorio suscipiatur,

b.) diuersus, qui nefandum hunc conatum sequitur, euentus, diuersam Nemisi conciliat figuram, & quidem.

c.) nulla exinde secuta est mors; Et tunc delinquentes

(aa.) omni munere indigni a re publica remouentur,

(bb.) pro diversa conditione vel poenam carceris per decennium subire tenentur, & quidem ad hunc modum, vt duos per annos non nisi pane & aqua paucantur, vel ad operas in fortalitione subeundas octo annos condemnantur,

(yy.) creditibus honorum priuantur, usque eo dum poena carceris durat, saluis tamen alimentis, uxori & liberis debitibus, nisi hoc favore indigni sunt.

Parentes qui nefario huic, duellum subeundi, pruritui haud intercedunt, grauissimas metuere debent poenas.

C.

B.) Mors

B.) Mors secuta est

(aa) altervtrius dimicantium; In quo casu,

(aaa) quoad illum qui fato cessit,

a.) si vulnus fuerit lethale, sepultura inhonesta vel suspensio cadaueris in furca obtinet.

b.) Si vulnus non fuerit lethale, sepultura in loco inhonesto obtinet.

(B33.) quoad illum, qui victor discessit,

a.) si vulnus fuerit lethale, poena obtinet vel gladii vel suspendii,

b.) si vulnus non fuerit lethale, poena augetur, quae statuta est in duellum consummatum, nullius cum internecione coniunctum.

(B3.) Vtriusque;

& obtinet vel sepultura inhonesta vel suspensio cadaueris.

C.) Fuga delinquenti nullam impunitatis spem conciliat. Quamdiu absens est, exequutio poenae in effigie obtinet, quam comitatur publicatio bonorum. Reditum eiusdem difficulter reddit metus ipsius supplicii, quod iustitia sibi referuat vindicativa, nulla obstante praescriptione.

D.) Qui quocunque modo in hanc facinoris societatem se cooptari permittunt, grauissimis se obnoxios reddunt poenis.

E.) Inprimis qui transferendis litteris prouocatoriis operam dant, contendentes armis instruunt, parastatae, auxiliatores, eandem metuant poenam, quam prouocantibus lex minatur. Quid? quod qui non nisi spectatum veniunt (\*) legis seueritatem experiantur. Omnes & singuli enim, qui duelli scientiam habent, etiamsi prouocanti obnoxii sunt, ad denunciationem eius iudici faciendam obstricti sunt.

A poena Duelli tamen eximitur certamen subitaneum, haud praemeditatum, haud ex condito susceptum, cui primus motus irae vix videbilibus caussam dedit, modo 1.) non sit simulatum, respicit enim iudex quod agitur, non quod simulate concepit, & non deficiunt media inquirendi in rei veritatem; 2.) nullius cum internecione sit coniunctum. Homicidium enim tali in casu patratum pro modo culpae puniri debet.

(\*) Conf. LACTANTII Firmiani INSTIT. DIVIN. Epitome Cap. LXIII. Quae de ludis gladiatoriis differit, quadrant omnino in Duella "quodsi interesse homicidio, sceleris conscientia est, & eodem facinore spectator obstrictus est, quo & admissor; ergo & in his gladiatorum sceleribus non minus a cruento perfunditur qui spectat, quam ille qui facit.

S. 20.

S. 20.

Accedit in primis quoad ciues academicos, quod, quum duella in legibus academicis prohibita sint, eiusmodi digladiationibus per iuri macula cohaereat, quod honestissimum suppeditat praetextum pugnam detrectandi. In nostra Albertina reuera obtinet, quod HOBBESIVS Leviath. c. 30. suader, legibus (clicet duella prohibentibus & hanc addendam esse, "ut qui nobiles sunt, aut haberi cupiant, iuramento obstringantur, quod conciuem ad Duellum non sint pronocaturi, nec pronocari compareant.

S. 21.

Argumenta, quae §§. antecedentes contra duella exhibent, potissimum quidem respiciunt prouocantem, sed quum Duella ad actiones iure diuino & humano illicitas referenda sint, quae suscipi nequeunt, nisi accedente intentione autocheiriam vel homicidium committendi, non minus prouocati, quam prouocantis intuitu omnis cessat venia, si se ad certamen sistat & voluntati prouocantis pareat. Auxilium iudicis contra eiusmodi prouocationem imploret, & praeiudiciorum, quae duella defendunt, tyrannidi, rectam opponat rationem.

S. 22.

Sed quid, si prouocatus sit homo ad arma natus vel saltem destinatus, homo militaris conditionis? Si duellum acceptat, vitam vel quae cum illa pari passu ambulat, libertatem, saltem ad tempus in poemam, amittit; si illud declinat, viuendi caussas ne perdat, periculum adest grauissimum. In genere quidem huic dubio opponi potest, quod prouocatus maiora incommoda sentiat, si se sistat, quam si duellum declinet. Si enim certamen subit, secundum opinionem vulgi quidem fortitudinis edit documenta. Sed quid iudicari potest de homine, qui diuinis & humanis iuribus contrarias edit actiones? Cum grauissimis deinde poenis vix comparari possunt commoda honoris ex duello reportata. Quid? quod si caedes aduersarii ex duello sequitur, quid iuvant misero documenta fortitudinis, quum eidem secundum seueritatem legis ingloria & cruenta morte pereundum sit, vel, quum, si hanc euitare potest, & nondum cauterio vita est conscientia, vita viuenda sit, quae duriores ipso supplicio habet conditions, ad eum modum, vt mors ipsa esset solatium. Si certamen declinat, secundum opinionem vulgi quidem pro homine formidoloso, ad genus vitae, cui

cui se addixit parum idoneo habetur.. Sed sanus quisque haud igno-  
rat, veram fortitudinem quiescere & dormire, si nulla adsit caussa, vt  
sui documenta edat, quum e contra emergat & pleniori luce cor-  
ruscat, simulac dignum animo heroico adest theatrum.  
Sic Philaletho de duellorum iniquitate conquisto, sed praeiudiciorum  
tyrannidem metuenti respondet Philosophus. " Je rends hommage,  
me dit Philalete, à la iustice de vox maximes , au fond ie tombe  
d'accord avec vous; mais ie suis perdu dans le monde, si j'en crois  
vos conseils & ceux de ma conscience, je ne puis plus paroître avec  
honneur, & l'honneur m' est plus cher, que la vie. Quoi toujours  
l'honneur mal entendu. L'honneur peut il donc jamais être en  
contrarieté avec la droite raison? Eclairé par sa lumiere, vous  
convenez, que la vengeance est vne foiblesse, vne véritable lâche-  
té, & vous persistez à vouloir vous venger pour l'intéret de votre  
honneur. Osez brauer l'erreur publique. Craignez vous, qu'en  
ne doute de votre courage; eh bien, allez le signaler par des ex-  
ploits utiles & permis. *Les MOEVR S pag. 212.*

*Conf. etiam CARPZ. P. R. C. P. I. Q. 29. N. 72.*

*Jd. P. II. Q. 25. N. 72. BOEHMER OBS. ad l. all.*

Sed quum haec Philosophia umbratilis & cathedratica sit, vix genio  
seculi accommodata, optandum sane esset, vt aliis remediis huic obui-  
am iri possit malo. Specimen legislatoriae prudentiae exhibit LL.  
Mosaicae, in simili arguento, quod vindictam Goëlis caudem cognati  
vindicaturi concernit. JO. DAV. MICHAELIS *comment. posterior. ad*

*LL. div. de poena homicidii §. 24. & seqq. Ej. Mosaïches Rechf.*

*P. II. §. 131. seqq.*

